

Persiapan awal elak sangkar ikan dirempuh tunggul kayu

HM 27/11/2024 pg 10

Kuala Berang: Kerugian puluhan ribu ringgit yang ditanggung penternak ikan sangkar berkelompok di Kampung Pantai Ali, di sini pada setiap kali musim banjir, mendorong mereka melakukan persiapan awal.

Antaranya, ikan di dalam sangkar dipindahkan ke kawasan selamat yang kurang terdedah kepada impak kemusnahan.

Penternak, Azmi Abdulah, 43, berkata, dia rugi kira-kira RM20,000 tahun lalu apabila sangkar ikannya rosak dirempuh tunggul kayu dan sisa banjir hanyut, yang menyebabkan ikannya terlepas.

“Kali ini semua ikan ternakan saya masukkan ke sangkar berhampiran darat bagi mengelak risiko dirempuh tunggul kayu hanyut, sekali gus meminimumkan kerugian.

“Sangkar yang berada di tengah sungai biasanya terdedah risiko dirosakkan



PENTERNAK ikan sangkar Kampung Pantai Ali, membersihkan tunggul-tunggul kayu tersangkut pada sangkar ikan.

tunggul kayu hanyut...pu-
kat rosak dan ikan terlepas.
Inilah ancaman utama
kami setiap kali berlakunya
banjir,” katanya yang sudah
mengusahakan ternakan
ikan berkelompok sejak
2014.

Menurutnya lagi, penter-
nak juga mengambil inisi-
atif membersihkan tung-

gul kayu hanyut daripada
tersangkut pada sangkar.

Sementara itu, Ketua ke-
lompok, Zakaria Ismail, 66,
berkata, 27 peserta men-
jalankan aktiviti menter-
nak ikan air tawar di ka-
wasan Sungai Telemong di
kampung itu, membabit-
kan keseluruhan 250 sang-
kar.